

5.

DISPVATIO JVRIDICA
DE
POSSESSIONE
VNIVERSITATIS, ET
QVOMODO AB EADEM
POSSEDEATVR?

Von Gemeinde-Güthern/
und wie diese von derselben besessen werden.

EX DECRETO INCLYTI ORDINIS
JVRIDICI,

P R A E S I D E

D. CASPARE HENR. HORNIO,

JCTO ET ANTECESSORE, CVRIAE PROVINC.
SCABIN. ET JVRIDICAE FACVLT. NEC NON
JVDICII PROVINCIALIS IN LVSATIA

INFERIORE ASSESSORE,

PRO OBTINENDIS HONORIBVS DOCTORALIBVS

AD D. XV. JULII, A. MDCCI.

IN AUDITORIO MAJORI

SOLENNI RITV DISPVTABIT

ERNESTVS FRIDER. MEDERVS, PIRNA MISN.

CONSIST. ECCLES. VITEMB. ADVOC. ORDIN.

VITEMBERGAE, EX OFFICINA BOSSOEGELIA. 1744. 5






PROOEMIUM.



I nter eas, quæ circa mei & tui persecutionem in Iudicio frequentari lites consueverunt, parum abest, quin principem sibi locum vindicent de possessione tum propriæ tum analogice sic dicta controversiæ. Quanto enim notiora, inter plebejos etiam, possessionis commoda sunt; tanto maiorem pro eadem tuenda vel impugnanda operam impendi, passim videmus. Cujus generis litium frequens discussio multos jubet credere, omnem possidendi modum adeo hodie definitum esse, ut explorato possessionis cujuscunque litigiosæ facti, nullum de jure vel actoris vel rei dubium exoriat amplius. At vero, quantum illi fallantur, dici vix potest. Ut enim alias controversas maxime circa possessionis argumentum quæstiones, quarum longissimum recensere nume-

rum possem, prorsus taceam, unicam saltem, eandemque hactenus in Collegiis Juridicis diversimode decisam, quo pacto scilicet universitas, tanquam persona moralis, possessionem acquirere, & amittere possit, publici, quod a me poscitur, speciminis loco, evolvendam sumsi. Cum vero specialem hunc possidendi modum assequi rite vix possimus, nisi prius, quid possessio, quidque universitas in jure nostro denotet, pervestigatum aliquo modo fuerit, de possessione pariter & universitate pauca generatim præmittam, quæ ipsius tandem modi, quo universitas possessionem acquirere, retinere & amittere dicatur, tractatio sequi tanto commodius possit. Id quod dum facere ingredior, Deum ter O. M. ardentissimis merito precibus imploro, ut institutum meum ita moderari clementissime velit, quo omnia in altissimi sui nominis gloriam & meum simul commodum vergant!



I.

Vocabulum possessionis, quod juxta *L. 1. π. de Etymolog. & homonym. possessio- nis.* *A. A. P.* a pedibus & quasi positio nuncupatur, multifariam in jure nostro accipitur, & (1) quidem pro ipsa rerum proprietate sive dominio, ut in *L. 37. π. de judic. L. 78. de V.*

S. L. 4. C. de Contrab. emt. in qua possessionem dominium denotare, dicendum est, nisi statuere velimus, falsum esse, quod dicitur in *L. 3. §. 4. π. de A. A. P.* eandem rem ex pluribus causis possideri ab aliquo posse. (2) pro ipsa re, quæ possidetur, ut in *L. 4. §. 2. & L. pen. π. de alien. ind. mut. caus. L. 17. π. de S. P. R. L. 3. π. de extraord. cognit. L. fin. §. f. C. de compensat. L. 2. C. de probat.* (3) pro usucapione, in *L. 19. π. ex quib. caus. maj. & ibid. Godofr. innot.* (4) pro bonorum possessione, h. e. successionē prætoria. *t. t. π. de B. P.* (5) proprie pro jure, quo res tam cum, quam absque domini jure detinetur: quæ possessio in hac ultima significatione est vel simplex, ut nuda rei detentio. *L. 7. §. 11. π. commun. divid. L. 3. §. fin. & L. 4. π. ad exhib. L. 2. §. 1. π. pro hered. L. 4. π. de R. V. vel qualificata*, quæ fit cum affectione seu animo sibi habendi. Et hæc describitur quod sit detentio rei cum affectione seu animo suo nomine sibi habendi, *L. 1. §. 20. de A. A. P.* *Descriptio possis.*

II.

Dividitur in propriam, quæ est rerum corporali- *Dispositio 1.*
um. *L. 3. pr. π. d. t. & impropriam sive quasi talem*, quæ est rerum incorporalium. *L. 23. §. 2. ex quib. caus. maj. L. 10. si servit. vindic. L. 3. §. 17. de vi & vi arm.* hæ enim cum in

intellectu saltem consistant, neque per se extent, verum aliis, tanquam subiecto, inhæreant & innitantur, proprie non possidentur. *L. 32. §. 1. π. de S. P. V. L. 4. §. 27. π. de usurp. & usucap.*

III.

Diviso 2.

Porro dividitur vel ratione *modi*, vel ratione *formæ*. Ratione modi possessio vel *naturalis* dicitur, vel *civilis*. *L. 1. §. 9. π. de vi & vi arm. L. 2. §. 1. π. pro hered. Civilis* dicitur, quæ animo retinetur absque corporali rei detentione. *L. 10. C. de acquir. & retin. possess. L. 3. §. 13. π. eod. Naturalis est*, si quis rem naturaliter, h. e. animo & corpore teneat, & eidem insistant. *dd. LL. Ratione formæ* possessio civilis est, qua quis rem tenet *animo domini, & sibi habendi*. Naturalis est, qua quis rem alienam, animo sibi habendi, tenet, propter jus aliquod in re, præter dominium *L. 3. §. f. π. ad exhib. L. 17. π. de public. in rem act. L. 22. §. 1. π. de noxal. act. L. 12. π. de A. A. P.*

IV.

Diviso 3.

Tandem dividi possessio potest, ratione qualitatis, in *justam & injustam*. *L. 3. §. 5. π. d. t. L. 2. L. 3. pr. π. uti possid.* Illa dicitur, *quæ iusto & legitimo titulo innititur*; hæc vero, *quæ illo destituitur*. Quam alii, sed minus apte, æquipollere possessioni bonæ f. & m. f. asserunt. Etsi enim omnis, qui bona f. & sic civiliter possidet, iuste possideat, cum bonæ f. possessor titulum habeat justum; non omnem tamen, qui iuste possidet, statim etiam bona fide & sic civiliter possidere,

dere, creditoris indicat exemplum, qui licet iuste possideat pignus, non tamen bona f. & cogitatione domini possidet. *L. 22. §. 1. π. de noxal. act.* & sic est in scientia rei alienæ. Unde etiam illi ob defectum bonæ fidei non procedit usucapio.

V.

Universitas in sensu generalissimo significat collectionem plurium rerum inter se distantium, uno nomine illis designato: vel corpus ex pluribus individuis constans communi nomini subjectis. *Universitas in sensu generalissimo quid?* Hæc autem collectio est vel personarum, vel rerum in specie sic dictarum: & quidem incorporalium & corporalium simul, qualis est hereditas, peculium, territorium. *L. 238. π. de V. S. L. 20. §. 10. π. de hered. petit. L. 1. pr. π. de R. V. L. 1. §. 1. π. quor. bon.* vel unius horum tantum, & quidem corporalium, qualis universitas est grex orium. *L. si grege π. de Legat. 1. it. L. rerum mixtura, de usucap. L. 70. §. 3. π. de usufr. item Gerada, GOLB. de Gerad. c. 1. n. 1. vel incorporalium, e. c. jurisdictio universalis. LOSS. de jur. univers. cap. 1. RICHTER. de univers. c. 1. §. 1. ECKOLT. ad sis. π. quod cujusc. univ.* *Disiunctio & subdivisio.*

VI.

De hac rerum universitate, tanquam ab instituto nostro aliena, agere jam non attinet: dicendum tamen est de ille, qua plures personæ in unum systema colliguntur. Tale autem systema constituitur, quando plura individua humana inter se ita uniuntur, ut, quæ vi istius unionis volunt, aut agunt, pro una voluntate una- *Universitas personarum in sensu generali quid?*

unaque actione, non pro pluribus censeantur. Id quod etiam tunc fieri intelligitur, quando singuli voluntati vel unius hominis vel concilii ita se subijciunt, ut pro omnium voluntate actioneque agnoscere haberique ab aliis velint, quicquid ille vel illud statuerit aut fecerit circa illa, quæ fini societatis congruunt, atque ad unionis illius naturam, quatenus talem, spectant. Inde est, ut, quæ a coalitis in unam personam compositam proficiscatur actio, pro una actione ex una voluntate habeatur, quamvis ad eandem plures personæ physicæ concurrerint: quæ ut singulæ spectatæ aliud sunt & seperatum quid ab illa ipsa collectione, quæ ex singulis composita est. *L. 10. §. 4. π de in jus vocand.* Atque hinc talis persona composita jura ac bona pecuniaria potest ac solet obtinere, quæ singuli ex corpore, qua tales, sibi tribuere, adrogare & vindicare non possunt. Vti vero in aliis persona hæc moralis composita imitatur naturalia corpora; ita & in eo conveniunt, ut, quemadmodum physica corpora eadem maneant, licet temporis successu per accessiones & decessiones varias particularum subinde aliquid mutetur; pariter etiam per particularem successionem individuorum non desinat eadem manere persona composita. *L. 7. §. 1. quod cujusc. univers. nom.* nisi uno eodemque tempore talis incidat mutatio, quæ prioris corporis rationem plane tollat, nec superfit aliquid, ex quo in pristinum statum redire queat. Idco licet ejusmodi persona moralis ex una persona physica constitui nequeat, semel tamen constituta in uno conservatur. *L. 85. π. de V. S. L. 7. §. ult. quod cujusc. univers. conf.*

convenien-
tia univer-
sitatis, tan-
quam perso-
na moralis,
cum perso-
na physica.

Conf. PVFEND. de J. N. G. & C. Lib 1. §. 13. RICHTER. *differt. de univers. c. 2. §. 1. quæ extat. in part. II. Vol. nov. differt. jur. publ. a FRIZSCHIO collect. n. 5. LOSSAEVS de jur. univers. part. 1. c. 1.*

VII.

Universitas vero talis varie a variis definiri solet. *Varia vari-
orum def-
initiones*
Alii dicunt, esse *societatem sive multitudinem hominum
ad communem utilitatem communibus legibus utentium: universita-
del corpus ex distantibus personis unitum communibus le-
gis in sensu
generaliori.*
gibus ad communem utilitatem utens ECKOLT. ad tit.
π. quod cujusc. univers. nom. Alii asserunt, esse plurium
hominum collectionem in unum corpus mysticum, cujus si-
gnificatio est inventa per intellectum. ZASIVS dec. 17.
n. 14. Quæ quidem ut & aliæ, qualis est apud STRV-
VIVM exerc. 7. tb. 41. & LOSSAEVM de jur. univers.
d. l. facile, cum non adeo dissideant, tolerari possunt.
Quoniam tamen in jure nostro civili vocabulum uni-
versitatis paulo strictius accipi solet, ideoque JCTI de
specialiori quadam definitione solliciti sunt. Quam ob
causam WESENBECIUS. tit. π. Quod cujusc. uni-
vers. nom. universitatem, ait, esse hominum in civili so-
cietate viventium communis: qualis est NB. in op-
pidis & pagis. Quæ ultima verba ideo adjecit, ut di-
stinguat universitatem ab illâ societate, quæ perfecta
est, & summa potestate pollet, nullique alii obnoxia,
sed independens, atque uno verbo RESPUBLICA
dici solet: in qua ipsa republica universitates continen-
tur. Sed licet ita respublica discernatur ab universita-
te, licet etiam a familia differentia ostendatur, quæ

*Weſenbecii
definitio V.
niversitatis
in sensu spe-
cialiori, mi-
nus tamen
adequata.*

quidem etiam societas est, sed non civilis ad communem utilitatem, verum patrisfamilias tendens: res nondum tamen confecta est, nec definitio adæquata, quoniam sub eadem collegia & *εἰσπρίας*, quæ societales, communitates, sodalitia, corpora, *L. 1. π. quod cujus. univers. L. 10. §. 4. π. de in jus vocand. L. 1. π. de Colleg. dicuntur*, ac etiam universitates sunt, ut ex eodem tit. *junct. L. 12. §. 3. π. de in jus vocand.* apparet, comprehendendi non possunt. Itaque negative definiendam existimavit universitatem HVBERVVS ad tit. de R. D. §. 10. quod sit *civilis hominum societas, quæ nec familia, nec libera sit respublica*. Sicque ad universitates refert Collegia artificum, studiosorum, Academias, vicos, pagos, jurisdictiones, municipia, seu civitates, quæ in jure nostro sæpe etiam analogice respublicæ passim vocantur. *L. 10. §. 4. de in jus vocando*. Ille ipse vero positive illam ita, & non male, definit, *quod sit multitudo hominum certo sub regimine, permissu summa potestatis, communis commodi ergo, sociata*.

Huberus
quomodo
universita-
tem negati-
ve & posi-
tive definit

VIII.

De actionibus, quæ a tali persona morali composita proficisci solent, omnibus, agere hoc loco mei non est instituti, sed tantum de illis, quæ circa possessionem occupantur, quatenus nempe possidere, vel ab illa possideri queat. Quod dum facio, de eo constare debere intelligo, *utrum universitas possit ulla ratione possidere*: quæ quæstio præjudicium facit. Ex fragmentis vero veterum Juristarum, quæ in Digesta relata sunt, hac de re dubitatum disputatumque fuisse, con-

Evolutio
quæstionis
præjudicia-
lis: utrum
universitas
ulla ratione
possidere

constat. PAVLVS *Lib. 54. ad Edict.* ait: *municipes per quos ne-
se nihil possidere possunt: quia uni, (vel potius universi, ^{gativam}
ut vulgata habet, hac parte præferenda Florentinæ: ^{amplietur}
quemadmodum etiam in libro singulari regularum VL. ratio 1.
PIANI tit. qui hered. instit. poss. legitur, quia univer-
si hereditatem cernere non possunt,) consentire non
possunt. L. 1. §. 22. π. de A. A. P. Negat itaque, munici-
pes municipii nomine & reipublicæ, possidere: quo-
niam, uti ipsius ratiocinatio esse videtur, singuli non
sunt una persona, nec ipsa universitas; universi autem,
vel totum corpus consentire non potest, ut VLPIA- <sup>Idem senti-
re videtur
Vlpianus.</sup>
NVS quoque docet L. 1. π. de libert. universit. i. e. quia
universi constituunt personam non veram, sed fictam ^{ratio 2.}
tantum, & repræsentatam, talem scilicet collectionem,
quæ intellectu & voluntate caret: qua tamen opus in
acquirenda atque conservanda possessione. L. 3. §. 1. π.
b. t. Atque ne forte dicat aliquis, municipes tamen
possidere forum & basilicam, hisque similia balnea sive
thermas, porticus, theatra, amphitheatra & campum
publicum, aliaque loca publicis locis inservientia: ipse
VLPIANVS respondet d. L. hac non possidere muni- ^{ratio 3.}
cipes, sed iis tantum promiscue uti: aliud vero est pos-
sidere, aliud longe uti: quod luculenter ostendit CV-
IACIVS ad L. 1. pr. de A. A. P. tom. II. oper. posth. p. 731.
Erant tamen alii, inter quos Nerva filius, Labæonis
& Proculi Sæptator, qui hanc sententiam restringen-
dam duxerunt, & excipiendum servum peculio instru-
ctum. Itaque NERVA FILIVS ait, per servum, <sup>Exceptio
Nerva filii;</sup>
quæ peculiariter, sive peculiari causa adquisierint, & hic <sup>ab aliis re-
probata.</sup>
apprehenderit, & possidere & usucapere possit. Sed*

ratio 4. fuere tamen, qui nec hoc admittebant, verum contra putabant, simpliciterque adhærebant priori sententia, ex ea ratione, *quoniam ipsos servos non possideant municipes*, atque sic ineptum videbatur, per illos possidere posse.

IX.

*Confutatio
rationum
pro senten-
tia negante
allatarum.
Resp. ad
rat. 1.*

Sed vero hæc omnis disputatio nimiam & miseram quandam subtilitatem sapit, ac si excutias rationes, quæ allegantur, parum ex his confici, facile intelligimus. Namque primo utique falsissimum est, si quis existimet, per rerum naturam fieri non posse, ut communitas consentire queat. Etsi enim universitas non sit una persona physica, quæ intellectu & voluntate pollet, ea ratione, qua unus homo his facultatibus gaudere potest: persona tamen quædam moralis est; ex pluribus subjectis, intellectu & voluntate pollentibus, constans; atque adeo eadem, quæ persona physica, efficere potest, sicque etiam consentire, *ut supra* *θ. VI. dictum*. Et sane si plures in unam rem consentire non possent, nulla paxio, nulla conventio daretur, quippe quæ sunt duorum vel plurium in idem placitum consensus. *L. 1. π. de pact.* Et si quis obijciat, non facile, etiam in universitatibus minoribus, omnes in idem consentire: sufficiet tamen id interdum fieri; ac morali æstimatione idem est, si plures consentiant, ac si omnes consensissent, quod alioquin exitus rei non detur, & iniquum sit, partem majorem, de qua credibile, optima sentire, minorem sequi. GROT. *de J B & P. L. 2. c. 5. §. 17. ibique auct. citati*. Porro licet in universitate sint infantes, pupilli, furiosi, & multi alii, qui con-

sen-

sentire non possunt; cum tamen reliquorum numerus hos vincat facile, defectus, quem patiuntur, illorum nihil obest, potestque etiam ab aliis, puta tutoribus vel curatoribus suppleri. *LOSSÆVS de jur. univers. part. 3. c. 16. n. 4.* Atque adeo apparer, illam rationem, quasi municipes non possint consentire, maxime vacillare: nisi illam ad consuetam antiquorum municipiorum administrationem trahere & restringere velimus. Namque municipia hoc singulare olim habebant, ut non omnes cives, in unum coeuntes, de partibus administrationis deliberarent ac decernerent, ne quidem plebis tribuni, sed pleraque omnia per Decuriones aut administratores, periculo ordinis, fierent, qui etiam interdum Syndicos suo ex decreto constituerunt *L. 19. ad Municip. L. i. §. 1. n. quod cujusc. universit. nom. L. 15. §. 1. n. de dol. mal.* Isto ergo statu non poterat dici, omnes ac singulos cives & incolas per se consensisse. *D. SCHILTER. exerc. 22. 16. 54.* Quo posito admitti quidem posset, municipes ipsos per se non possidere id, cujus possessio ex consensu, & facto Decurionum acquisita: possidebunt tamen per hos; nec prius etiam ad alias universitates trahi debet. Porro verum quidem est, municipes, ut singulos, non possidere forum, aliasque res universitatis; quia nec res hæ singulorum sunt: nihil tamen hoc vetat, quominus hæ res, uti sunt universitatis, a tota universitate, a municipibus, collective sumtis, possideri possint. Cur vero magis per servum, quod hic peculiariter acquisivit, quam quod ultra peculium per eum acquisitum, possidere queant, nulla idonea ratio reddi potest.

Restringitur sententia affirmans, quod ad sola municipia antiqua.

ad rat. 3.

ad rat. 3.

Nam licet ex peculii causa per servum ignorantibus possessio quaratur, nec scientia domini opus, *L. 44. §. 1. π. de A. A. P. L. 1. §. 5. L. 3. §. 12. L. 24. π. eod.* atque adeo, ut videtur, nullo animo & voluntate possidendi, quæ carere universitatem, a quibusdam creditum quia tamen id intelligendum de scientia atque voluntate speciali & expressa, non de generali ac tacita, quæ utique in concessione peculii intercessit. *d. L. 1. §. 5. de A. A. P.* ubi ZASIVS & BRVNNEMANN. apparet, & isto casu opus esse voluntate & animo; quo si destitueretur universitas, nec per servum peculio tenus acquirentem possidere posset. Quæ deinde allata fuit, nec per servos possidere posse, ideo, quia nec ipsos servos possideant, futilis est ratiocinatio. Quod si enim maxime servos non possiderent, quod tamen non concedendum, ut ex dictis apparet: certum tamen est, per eos, quos non possidemus, nos possidere posse, ut per liberum hominem, puta procuratorem, tutorem, filiumfamilias. *§. 1. c. 3. per quas person. cuique acqu. L. 1. §. 20. L. 32. pr. π. de A. A. P.*

X.

Ratio dubitandi §. quam Zasius affert, & simul confutatur.

Præter ista vero dubium superest, quod ZASIVS movet ad hanc nostram Legem, universitatem comparari cum hereditate jacente. *L. 22. π. de fidejuss.* quæ tamen ipsa hereditas jacens possidere non potest. *L. 1. §. Scavola 15. π. si is, qui testam.* Sed non extendenda hæc est comparatio ad ea, in quibus manifesta est differentia. Scilicet hereditas, quamdiu jacens spectata, repræsentat defunctum. *§. 2. 3. de hered. instit. L. 64. π. eod.*

ead. cujus cum nullus sit animus, nulla voluntas, nec ipse possidere potest. At vero universitas viventes repræsentat, animo et voluntate non destitutos, qui in unam rem consentire, atque voluntatem declarare possunt; & per hoc etiam possidere. ZASIVS d.l. & LOSSÆVS de jur. universit. part. 3. c. 16. n. 8. Itaque ob has causas jam olim istas ratiocinationes rejecit usus fori. Namque VLPIANVS in L. 2. π. de A. A. P. Sed hoc jure utimur, ait, ut & possidere & usucapere municipes possint, idque eis & per servum, & per liberam personam, acquiratur. Idem VLPIANVS in L. 7. §. 3. π. ad exhibend. Municipes, inquit, ad exhibendum conveniri possunt, quia facultas est restituendi nam & possidere & usucapere eos posse, constat. Idem & in collegiis ceterisque corporibus dicendum erit. Quibus jungi debet ejusdem VLPIANI locus in L. 3. §. 1. π. de pollicit. Sed & si deserint possidere municipes, dicendum erit, actionem illis dandam. Qui enim definit possidere, utique possedisse illum, necesse est.

Textus juris Civilis pro sententia affirmativa facientes.

XI.

Possidere autem possunt (1.) per servum publicum, non tantum ex causa peculiari, sed etiam ex non peculiari, apprehensa possessione per ejusmodi servum: prout definit VLPIANVS in L. 9. §. 6. infm. & PAVLVVS in L. 10. π. de public. in rem act. Quod ZASIVS extendit ad homines proprios, ad §. nostr. fin. L. 1. π. de A. A. P. (2.) per liberam personam, veluti per actorem vel Syndicum, seu procuratorem universitatis, qui res municipii, vel alterius universitatis, gerunt, &

Per quoniam possidere queat universitas?

quidem vel unum, vel plures universitatem repræsentantes: exemplo privatorum, qui per liberam quoque personam possessionem acquirere, & possidere possunt. Quod utilitatis causa receptum est, ut facilius negotia sua promptiusque expedire valeant. *L. 1. §. 20. & L. 2. π. de A. A. P. L. 1. C. cod. POSTIVS de manusen. obserd 36. n. 10. TVSCHVS verb. possessio conclus. 423. n. 2. & 4. Quibus tamen casibus mandato opus est. L. 42. §. 1. π. d. A. A. P. CRAVETT A consil. 383. n. 5. vel speciali L. 42. §. 1. π. de A. A. P. vel saltim generali. L. 41. π. de usurp. JASON & ZASIVS L. 1. §. 20. π. de A. A. P. Loqui autem in d. l. 41. NERATIVM de procuratore generali, inde constat, quia negat, vitium purgari, si res furtiva in ejus potestatem pervenirit; quod sane secus haberet, si mandatum speciale de persequenda & recipienda re habuisset: & nisi ineptum velimus facere Jctum, oportet de eodem genere procuratoris accipi, quod statim sequitur, per procuratorem nobis acquiri possessionem. Ubi igitur negotiorum ratio exigit rem v. c. emi, idem in procuratore generali admitteremus BACHOV. ad §. ult. f. per quas person. nob. acquir. Vel etiam per administratores, per regentes collegium, vel universitatem. ZASIVS d. l. num. 17. LOSSÆVS d. l. n. 12.*

XII.

Universitas
sive illi, qui
constituunt
universita-
tem, ipsi
quoque per

Utrum vero ejusmodi personis non intervenientibus, universitas, vel illi, qui sunt de universitate, ipsi per se possessionem adipisci & possidere queant? discutiendum est. Negat hoc CVJACIVS tom. II. postb.

postb. ad d. §. ult. l. 1. n. de A. A. P. pag. 745. sic evenire, ^{se possidere}
 dicens, ut, quod per se municipes possidere non pos- ^{possunt. pra-}
 sunt, possidere tamen possint per alios, ut infans, aut ^{dictis per-}
 furiosus. Quod & facit *ad l. 2. n. de A. A. P. in tom. IV.* ^{sonis non}
postb. part. poster. pag. 270. Sed non existimo hac parte ^{interveni-}
 viro magno, & qui illum sequuntur, esse accedendum, <sup>entibus.
 qui & ipse alioquin in loco mox citato hac lectione *d.* ^{Consuetudo}
Legis 2. qua auctoritate, nescio, utitur: *idque eis &* ^{Cujacius}
per se, & per servum, & per liberam personam acquira- ^{negans.}
tur. Etsi enim hæc verba *per se* nec in Florentina, nec
 in aliis Codicibus, quantum ego quidem scio, hoc loco
 habentur: sufficit tamen, VLP IANVM in genere
 edixisse, jam suo tempore isto jure usos se esse, ut &
 possidere & usucapere possint municipes, nec ad prio-
 res duos casus ullibi hæc sententia restricta legatur. Et
 quæ de servo ac libera persona *in d. l. 2.* habentur,
 tantum abest, ut hunc modum, de quo quæstio, ex-
 cludant, ut potius ampliationem tantum, & exempla
 contineant ejusmodi possessionis. Quid? quod in aliis
 locis, supra allegatis, absolute municipes & collegia
 universitatis possidere dicitur, nullaue ratio allega-
 tur, ob quam, uti persona physica per se possidere
 potest, ita persona moralis per se nequeat possidere.</sup>

XIII.

Et quod consentire possit, jam supra dictum est,
 nemoque dubitabit, actus tales ab universitate fieri pos-
 se, quibus ad corporalem apprehensionem, quæ in
 acquirenda possessione requiritur, *l. 3 §. 1. n. de A. A. P.*
 & tuitionem possessionis opus est. Finge, universi-

C

tatem

tatem emisse fundum, omnes de universitate adesse, his tradi fundum, eosque apprehendere possessionem; occupareque istum, quis dubitabit, possessionem esse

Exemplum, quo illustratur sententia affirmans, quod scilicet universitas consentire, atque possessionem vel quasi apprehendere possit.

acquisitam? Fac porro, omnes de universitate, quotannis pascere pecora in fundo, vel colligere fructus, cedere ligna, aliaque facere, quæ dominus facere solet, M A S C A R D. *de probat. T. 3. C. 1183.* apta parum est dubitatio, utrum possideat, nec ne, persona hæc moralis. Quod & eodem modo in quasi possessione jurium, scilicet rerum incorporalium, se habebit, si v. c. omnes in alieno fundo pascant pecora, vel hæc ad aquam appellant, non video, cur non possit quasi possessio illius esse acquisita. POSTIVS *de Manuten. lib. 36. num. 7.* LOSSÆVS *de jur. universit. part. 3. c. 16. num. 13.* Quod vero de tota dixi universitate, illud etiam de majori parte ejus procul dubio verum est.

Major pars universitatis quod in hujus commodum suscepit a tota universitate factum censetur.

Quod enim major pars effecit, pro eo habetur, ac si omnes egerint, ait SCÆVOLA *L. 19. π. ad Municip. de incol. ubi GODOFR.* Cujus rei ratio jam supra indicata est. Et licet per LL. regula hæc interdum officium perdat: non tamen id hoc loco metuendum, cum de actu universitati utili quæstio sit, ubi neminem, credibile est, facile dissensurum. P E R E Z. *ad tit. C. de jud. n. 15. 16.*

XIV.

Universitas per particulares quovis homines nec totam universitatem,

Uti vero ex his apparet totam universitatem, seu omnes de universitate, vel saltem majorem eorum partem, possessionem adipisci & retinere posse; ita illud super est excutiendum, utrum ex hujus vel illius, multorum

torum etiam, non tamen majorem partem constituen-
 tium, actibus possessio acquisita dici & conservari que-
 at? Quo quidem loco illud primo notandum, rem
 carere dubio, si mandatum adsit universitatis expres-
 sum: nam si actus possessorii, prævio tali mandato to-
 tius corporis, nomine illius suscepti a quibusdam mem-
 bris, pro actoribus vel procuratoribus universitatis
 habendi sunt, atque adeo omnia hic repetenda veni-
 unt, quæ antea dicta. *CRAVETTA Consil. 317. n. 4.*
 Porro, sicuti mandatum etiam tacitum esse potest, *L. 6. sequatur.*
§. 2. & L. 18. n. mandat. ita hoc quoque casu id locum
 habebit. Quando igitur sciente & patiente universi-
 tate, sive iis, qui eam administrant, possessio a singu-
 lis nomine universitatis apprehensa est, idem erit, ac
 si ab omnibus, vel mandato omnium, facta: siquidem
 tunc id, quod factum a singulis, censetur ab univer-
 sitate factum, quanto sc. universitas scivit & passa est, nec
 contradixit, factumque non fuerit momentaneum *PARIS. IV. consil. 91. num. 19. BENINTEND. Vol. 1.*
part. II. decis. 70. n. 19. tantoque magis, quod actus illi
 respiciant ipsius utilitatem, & principaliter ad eam
 pertineant. Idem *d. l. n. 18.* Tandem quemadmodum
 subsequens ratihibitio mandato æquiparatur, *L. fin. C.*
ad SC. Maced. ita etiam, illa accedente, per singulos
 acquiri potest universitati possessio. *L. 42. §. 1. n. de A. A.*
P. LOSSÆVS de jur. universit. part. III. c. 16. num. 12.
 modo termini habiles ponantur, & ratihibitio fiat, an-
 tequam alius possessionem adeptus: quod eleganter
 exponit *MYNSINGER. Dec. II. R. 20. n. 47.* Extra
 hos autem casus utique negandum est, universitati per
 singularia ejus membra possessionem vel quasi acquiri

nec majorem
 rem ejus
 partem
 constituen-
 tes, acquiri
 possessio po-
 test, modo
 tamen man-
 datum uni-
 versitatis
 præcedat,
 & ejusdem
 ratihibitio

Alioquin si
 membrum
 alienum pos-
 sit, possessio
 non universi-

rati per
singularia
ejusdem
membra
non acqui-
ritur.
ratio hujus
afferti.

posse. Cum enim aliud sit universitas, aliud singuli, ut supra dictum, non potest dici, ab universitate factum esse, quod a singulis factum est. Quodsi igitur susceptum quid fuerit nomine proprio, & privati commodi causa, quod præsumitur, POSTIVS *de Manu- sen. Obs. 42. n. 65.* MEVIVS loco *max citando*, res caret dubio; atque nihil potuit esse acquisitum universitati, cum nil factum nomine illius. *L. 1. §. 20. L. 42. §. 2. π. de A. A. P. L. 47. π. de usucap.* licet etiam omnes de universitate fecerint. HONDED. *Vol. 1. part. II. consuls. 79. n. 29.* MEVIVS *ad Jus Lubes. part. II. tit. 3. num. 18.*

Ejusdem
applicatio.

MYNSINGER. *Dec. II. R. 19. n. 46.* Quodsi vero maxime nomine universitatis tale quid factum, idem tamen erit dicendum. Neque enim aliis per liberarum personarum possessio potest acquiri, sine mandato. *L. 42. §. 1. π. de A. A. P.* nec id fieri sine animo, & voluntate. *L. 53. π. de A. R. D.* POSTIVS *de Manuten. Obs. 36. n. 2. & 3.* HONDED. *Vol. 1. part. II. conf. 17. n. 9.* CRAVETTA *conf. 382. n. 4. & conf. 972. n. 3.* MYNSINGER.

Exempla.

Dec. II. R. 19. n. 51. Atque hinc si maxime hi vel isti ex universitate in loco alieno pecora paverint, vel ligna aut lapides cæciderint, siue suo nomine universitatis, id factum, nulla quasi possessio pasturæ, aut juris lignandi, vel lapides cædendi, acquisita censetur universitati; nec per testes probatur, dicentes, quod homines ejusmodi singulares de universitate paverint bestias, fructus collegerint, aut lapides in tali loco, vel ligna inciderint &c. PONTVS *de spol. Lib. II. cap. 14. n. 99.* PVTIVS *Lib. XXII. Dec. 26.* HONDED. *Vol. 1. part. II. d. conf. 17. n. 27.* Aliud exemplum habet MYN-
SIN-

SINGER. *Dec. II. R. 19.* Si cives Ratisb. plerique libere sine mercium expositione præternavigassent civitatem P. quæ privilegium exonerandi merces (*Niederlage*) sibi vindicat, per hoc non esset acquisita quasi possessio libertatis R. incolis omnibus, velut universitati: nisi omnium nomine factum, & de mandato ipsius universitatis expresso constet, vel de scientia illius, aut eam repræsentantium. CARPZOV. *part. II. c. 6. d. 18.* ex qua mandatum tacitum colligi potest. MASCARD. *concl. 1190. n. 10. § II.*

XV.

Ideoque si de probanda possessione universitatis quaestio sit, cautus debet esse advocatus, ut recte illam fuscipiat, recteque articulos conficiat, super quibus testes examinantur. Namque primo id debet observare, ut dicat, actus possessorios a singulis, quatenus membra sunt corporis, & sic nomine universitatis, gestos esse, qui, si nomine proprio fuerint suscepti, nihil proderunt universitati, nec rati habitio locum inveniet. MYNSINGER. *Dec. II. R. 19. n. 47.* Deinde addat, mandato universitatis expresso id factum esse; vel si mandatum hoc deficiat, aut verendum, ut probari possit, mentionem faciat scientiæ, vel saltem patientiæ universitatis, quæ scientiam præsupponit. MASCARD. *concl. 1190. n. 17.* POSTIVS *d. l. n. 14.* Quæ patientia non quidem exactu quodam momento, ex quo scientia omnium non potest colligi; POSTIVS *d. l. n. 8.* Sed ex actibus tamen successive continuatis per singulares, probari potest. PETR. DE

ANCHORAN. *consil.* 157. BENINTEND. *Dec.* 70. n. 17. LOSSÆVS *de jur. universit.* P. 3. c. 17. n. 15. quæ probata, mandatum tacitum vel ratihabitio probata censetur. CRAVETTA *consil.* 382. n. 5. HONDED. *Vol. I. P. II. consult.* 17. n. 78. Quot vero actus necessarii sint, id definiri nequit, sed arbitrio judicis relinquendum est. *arg. L. 1. π. de jur. de lib.* Ceterum si per administratores vel officiales publicos possederit universitas, factum tantum, non verò mandatum, probandum est, si scilicet constet, esse illos tales, pro quibus se gerunt. HONDED. *d. l. n.* 78.

XVI.

Possessio uni-
versitati se-
mel acqui-
ta per actus
particulari-
um; simpli-
citer quo-
que gestis,
retinetur.

Quod si de possessione universitati semel acquiritur constet, minus dubii est, per singularem actus illam conservari & retineri posse. GABRIEL. *L. V. concl. II. rubr. quod cujusc. univers. nom. n. 3.* POSTIVS *obs.* 36. n. 5. ita, ut nec opus sit, ut omnes quotidie actus exerceant possessorios, MYNSINGER. *Dec. II. R. 19. n. 14.* nec singulis id facientibus novo mandato, nec probatione scientiæ peculiari, cum possessio facilius conservetur, quam acquiratur, PEREZ. *ad tit. C. de acquir. l. res. possess.* n. 21. atque si de acquisita constet, illam durare semper, nec amissam esse, censeatur. *L. 17. §. 1. L. 3. §. 6. L. 44. §. 2. π. de A. A. P. MENOCH. consil.* 735. POSTIVS *de Manuten. Obs.* 19. Nec dubitandum est de scientia & approbatione universitatis, postquam universitas possessionem semel recte atque ordine acquisivit, atque omnibus facultatem ea re utendi, exercendique possessionem, concessit. Imo

Rationes af-
ferri.

In:o mortuis quibusdam, vel etiam plerisque ex universitate, possessionem semel acquisitam non amitti, sed per unicum quoque universitatis membrum, uti alia jura, continuari eandem & retineri quam commodissime posse, modo pro universitate potius, quam pro semet solo, possidendi animus adsit, certum est. *Ejusdem ampliatio.*
arg. L. 7. §. 2. in f. π. quod cujusc. univers. nom. Conf. ZASIVS ad L. 1. §. ult. circa f. π de A. A. P.

XVII.

Quibus autem testibus hoc in passu uti universitas possit? & numne ipsa universitatis membra ad testimonium perhibendum admittenda sint? discutendum venit. Et quemadmodum quoad prius ambigendum haut est, quin universitas quibuscunque testibus, quos Jus commune a testimonio dicendo non repellit, intentionem suam roborare valeat; ita quoad posterius distinctione opus esse intelligitur. Aut enim thema probandum ipsius universitatis, in abstracto summae, patrimonium concernit, quod univerforum causa comparatum est, non in singulorum utilitatem, §. 2. J. de inutil. stipul. L. 6. π. de contrab. emt. aut ad singulorum interesse principaliter pertinet. §. 6. J. de R. D. §. fin. J. de emt. vend. Illo casu affirmativa, hoc vero negativa praevalet sententia. CARPZOV. in Proc. tit. 13. art. 5. n. 77. Namque uti primo casu testis talis non dicitur ferre testimonium in propria causa, cum aliud sit universitas, aliud singuli de universitate. L. 10. §. qui manumittitur 4. π. de in jus vocand. nec res singulos immediate tangit, sicque illi suo nomine agere aut excipere
Quos testes denominare possit universitas.
Distinguitur quoad ipsa universitatis membra.
Ratio distinctionis.

cipere vetantur: ita posteriori casu, cum illorum proxime interfit & pecuniarie, in propria utique causa testes perhiberent testimonium; quod & ratio & LL.

*Casus, quo
testes ex ip-
sa universi-
tate non ad-
mittuntur,*

nostræ adversantur. Facitaque litem oriri super possessione v. c. Sylvæ publicæ, in qua singuli de universitate jus ligna cædendi prætendunt, quæstio est, an admittantur ad perhibendum desuper testimonium ipsa communitalis membra? minime vero, & quidem propter L. 10. n. 5 L. 10. C. de testib. STRUV. S. J. C. exerc. 28. 1b. 39. MASCARD. de probat. concl. 1414. n. 1. segg. præsertim, cum per testes, ab adversa parte productos, probatum fuerit contrarium. BENINTEND.

Ampliatio.

d. conf. 17. n. 39. Imo nec in causa possessorii summariissimi, eo casu, cum eadem ad singulorum utilitatem pertinet, membra universitalis ad dicendum testimonium admittenda, atque adeo nec, quod eodem recidit, latum ab iisdem testimonium attendendum esse, pronunciarunt, Collegio quodam dissentiente, J. Cti

Prajudicia.

Jenenses, quibus assensit Ordo Vitembergenfis, Mens. Novembr. 1695. M. DN. BERGER. resolut. Lauterb. tit. de testib. ad verb. in causa universitalis. Dissentire videtur RICHTER. differ. de universitate ejusdemque variis speciebus & juribus cap. 3. §. 18. que extat. in Vol. nov. part. II. exerc. jur. publ. a DN. FRIZSCHIO collect. Ceterum quando diximus, homines de universitate pro illa aliquando testes admitti, id non pertinet ad eos, qui nomine communitalis in judicio agunt. MEVIVS Part. II. Dec. 86.

XVIII.

His peruestigatis, eo deveniendum est, ut dispi- <sup>Quibus mo-
dis destitui
& amittere
possessionem
possit uni-
versitas?</sup> ciamus, quomodo amitti possessio universitatis soleat? Quod quidem contingit vel extincta vel superflite uni-
versitate. Extingui autem potest universitas variis
modis: vel ob delictum per sententiam, vel casu ser-
tuio; vel si ab hostibus subvertatur, aut tyranno, vel
chasmate, incendio, inundatione aquarum, vel porro
morte omnium, vel etiam si omnes & singuli de illa
universitate dissolvantur, si aufugiant, civitatem re-
linquant, & ut vagabundi dispergantur, sine animo
iterum coeundi. De quibus casibus videatur RICH-
TER. *d. differt. cap. 5.* His vero omnibus casibus desi-
nere possidere universitatem, palam est, cum, subje-
cto sublato, accidentia tollantur, & persona naturali
extincta, possessio quoque evanescat. *L. 1. §. 15. π. si is,
qui testam. lib.* Atque adeo si postea restituta univer-
tas, vel nova in locum illius instituta, licet alia jura
reviviscant, nova tamen apprehensione possessionis,
quæ semel vacua facta, opus erit. Quæ tamen omnia
secus se habent, si, fortasse propter hostium invasio-
nem, aut casum violentum, conjunctim alio migra-
verint, vel dissipati fuerint homines de universitate,
cum animo redeundi. Quoniam enim tunc animum
amittendi possessionem non habuerunt, sine illo vero
amisso possessionis nunquam fiat, *L. 8. π. de A. A. P.* pro-
cul dubio eandem retinent, quamdiu ab alio non fuit
occupata. *Conf. ZASIVS ad §. fin. L. 1. π. de
A. A. P.*

Possessio;
quæ semel
vacua facta,
non recipi-
tur ab ipso
nobis ejus-
dem apprehen-
sione.

Quibus casibus, & quatenus, universitas, et trajectum destrultionem, amittere possessionem conuevit.

Ceterum & fieri potest, ut superstitie universitate, eaque in sede sua commorante, alius ab illa, vel contra illam, res, quæ universitatis sunt, possidere queat. Quod quando fit, necesse est, universitatem eatenus amittere possessionem, quatenus alter eandem acquisivit. Nam non magis eadem possessio apud duos esse potest, quam ut tu stare videaris in eo loco, in quo ego sto, vel, in quo ego sedeo, tu sedere videaris, ut ait PAULUS in *L. 3. §. 5. π. de A. A. P.* quod nec intuitu quasi possessionis rerum incorporalium aliter se habet. BACHOV. & LUDWEL. ad §. 2. *f. de action.* Hoc vero quomodo contingat, jam examinandum est. Quemadmodum autem nulla possessio sine animo amitti potest, sive amissio incipiat ab animo, sive a corpore: *L. 8. π. de A. A. P. L. 1. §. 6. eod.* ita quoque palam est, universitatem absque voluntate non amittere & in alium transferre possessionem. Quod ut rectius intelligamus, distinguendum hic est, utrum universitas per se possideat, an per alios. Quando universitas per se possidet, si omnes consentiant, se nolle amplius possidere, nullum dubium est, quin protinus amittant possessionem, licet in fundo adhuc sint. *L. 3. §. 6. π. de A. A. P.* Id quod etiam fit, si eo animo inde digrediantur, ne possiderent. *L. 44. §. 2. π. eod.* & magis tunc, si ipsi alium constituent possessorem, in illumque transferant possessionem. *L. 33. & 34. π. d. t.* vel alius de mandato & ordine ipsius universitatis: quo casu idem est, ac si ipsi omnes de universitate id fecissent. *L. 77. de R. J. in 6to POSTIVS Obs. 36. n. 20.*

Quæ, uti verissima sunt, si omnes consentiant; ita non adeo abesse id concedendum, si major tantum pars in hanc rem præbuerit consensum. Nam etiam, ut supra dictum fuit, major pars in acquisitione possessionis sufficiat; illud etiam eo casu asserendum sit, si res totam universitatem ejusque patrimonium tangat, nec commodum vel damnum aliquod in singulos immediate inde redundet: hoc tamen casu aliud dicendum foret, scilicet non nisi omnium consensum sufficere ad possessionem amittendam. *cap. quod omnes 29. de R. J. in 6to. L. 11. π. de S. P. R. CARPZOV. P. 1. c. 39. d. 13. in f. G. off. ad L. 2. C. que sit long. consuet. ME VIVS ad Jus Lubec. Part. III. tit. 3. art. 2. n. 29.* Hinc si ponamus, majorem partem constituisse possessorem TITIVM rei, ad universitatis patrimonium aliqui pertinentis, ex necessitate alienatæ, hanc rem esse præjudicio reliquis, certum est, nec posse ab hisce, qui nec singuli illa re, aut commodo ejus possessionis uti poterant, actum istum impugnari. E contrario fac, majorem partem admisisse alios, ut pascant pecora in pratis, quibus omnes de universitate utuntur, quasi possessio hac, a pluribus in alium translata, non poterit esse fraudi reliquis, quorum defuit assensus. Pariter si major pars onera quædam servitiaeque in se receperit, præterque domino, reliquis dissentientibus denegantibusque, nulla ex facto reliquorum, exactiorem patientium, domino possessio vel quasi adversus omnes acquisita esse potest. ANGEL. *consil. 270.* FE-

*Posse uni-
versitatis,
ex qua sin-
gula hujus
membra
commodum
immediate
sentiant,
non nisi com-
sentienti-
bus omni-
bus amitti-
tur: secus
est in ejus-
dem acquisi-
tione, ad
quam majo-
ris quoque
partis con-
sensu suffi-
cit.
Exempla.*

LIN. *in cap. cum omnes. n. 12. de constitut.* Jason. *in L. Juris Gentium §. hodie n. 8. vers. 13. π. de pact.* Ob hanc causam etiam, licet ex libris censualibus, (Erb. Registern) subditi ad servitia aliaque præstanda compelli possint, hique præsumtionem faciant pro domini possessione; id tamen intuitu omnium ac singulorum non aliter admittendum, quam si de omnium & singulorum consensu & confessione, circa has præstationes facta, constet, CARPZOV. *P. II. c. 6. d. 6.* MOLL. *Sein. t. IV. c. 37.* ERHARD. *de operib. rustic. concl. 15. pag. 294.*

XXI.

Ex his vero facile apparet, multo minus singulos ac particulares homines unquam efficere posse, ut ex illorum actibus possessio vel quasi universitatis amittatur, transferaturque in alium. Nam si illi actus a singularibus, tanquam a singularibus, gesti, vel adversus hos particulares, ut tales, suscepti, nulla ratio est, ob quam dici queat, universitati toti illos obesse, vel adversus totam esse acquisitam, cum intentio utriusque repugnet. Quod si etiam hæc intentio adfuerit, atque membrum universitatis, ut tale, vel tanquam nomine universitatis, aliquid fecit, vel passum est, ex quo adversarius sibi adversus integrum corpus possessionem acquisitam esse, asserat, nec dubium de hujus animo super sit, nihilo tamen secius nihil possessionis adversus totam universitatem illi est acquisitum. Cum enim aliud sit universitas, aliud singuli de universitate, ut sæpius supra dictum, nullus singulorum, quod omnium est, in alium transferre potest, non magis scilicet ac
uti

Multo minus particulares de universitate homines privato auctu ejusdem possessionem vel quasi in alium transferre possunt si nomine universitatis id faciant, si non.

Ratio.

uti alias alii per alium non potest iniqua conditio adferri, vel res illius per alium in alios transferri. *L. 74. π. de R. J. L. 5. L. 6. π. de O. N. N. MODESTIN. PISTORIS Vol. 1. consil. 12. n. 13. CARPZ. P. II. c. 6. d. 1.* Quam sententiam propugnat POSTIUS *Obs. 36. n. 6.* Fac itaque Nobilem, vel magistratum alium, exegisse a subdito Gabellam vel laudemium, illumque hæc præstitisse, vel in unius fundo jus pascendi exercuisse, illumque tacuisse, unum vero atque alterum fecisse idem; vel etiam indixisse Dominum operas omnibus, aut iussisse, ut cerevisiam in certa caupona emant, quosdam etiam obtemperasse, vel privato nomine, vel etiam tanquam membra communitatis: non potest ideo dici, adversus universitatem possessionem quæsitam esse, illamque libertatis possessionem amisisse, si maxime vel Rector universitatis, vel qui alio nomine illi præest, tale quid imponi sibi passus fuisset. *ROTA RECENT. Part. IV. decis. 244. n. 6. POSTIVS d. l. n. 20. CARPZOV. Lib. I. Resp. 66. n. 18. M. DN. BERGER. resolut. Lauterb. tit. de A. A. P. p. 712.* Pariter si fortasse civitas privilegio gaudet, quo immunitas ab omnibus vectigalibus concessa, si singuli etiam, tanquam cives, vectigalia solverint, non tamen ideo statim possessio vel quasi exigendi vectigalia adversus civitatem acquisita, aut possessio vel quasi immunitatis amissa habetur. *CARPZ. P. II. c. 6. d. 1.* Et inde est, quod DD. dicant, quod si personæ singulares contraveniant privilegio concessio populo, propter hoc non perdat civitas privilegium. *MODEST. PISTORIS Vol. 1. consil. 12. n. 12.*

Exemplum 1

Exemplum 2

*Quod si
vero major
universita-
tis pars,
vel etiam
particula-
res ejusdem
homines, &
mandato
reliquo-
rum,
& nomine
universita-
tis, quid
susceperunt,
pro omnium
facto idem
habetur.
Idem quo-
que exten-
ditur ad
mandatum
tacitum, &
subsequentem
ratihabitio-
nem uni-
versitatis.*

Ceterum hæc, quæ diximus tum de majori parte, tum de singulis particularibus quibusdam, aliter se tunc habere, certum est, si major pars, vel quidam particulares, id, quod fecerunt, ex mandato reliquo- rum susceperunt, nomine universitatis: quo casu pro- cul dubio, uti ex supra dictis fluit, ob assensum præ- stitum, hoc factum pro omnium facto habendum est.

BURATUS Decis. 312. n. 10. Quod item obtinebit, si mandatum tacitum, vel ratihabitio reliquorum, utro- que casu accedat. Itaque si ab adversario adversus majorem partem, vel quosdam particulares, tanquem membra universitatis, actus possessorii exerciti, & ab his nomine universitatis aliquid factum, ex quo pos- sessio vel quasi in alium translata censeriqueat, reli- quis omnibus scientibus & non contradicentibus, tot- que actus contigerunt, ex quibus scientia & patientia omnium intelligi potest, minus dubitandum, quin ma- joris partis, (scilicet ubi omnium consensu non opus est,) vel particularium, facta activa & passiva reliquis præjudicent, ita, ut adversus totam universitatem pos- sessio vel quasi acquisita censeatur. **NICOL. FESTAS.**

Exemplum: *de collect. part. 3. n. 12.* **POSTIUS d. l. n. 20.** Ita, ut exemplum non desit, si forte Dominus jurisdictionis omnibus subditis indixerit servitia, laudemia, recepe- ritque a quibusdam, tanquam a membris totius cor- poris, reliqui si hoc patiantur, nec contradicant, sed assensum præbeant, nullum dubium, quin hæc pati- entia & tolerantia præjudicet ipsi universitati, ita, ut
adver-

adversus totam possessio acquisita censeatur. M. DN. BERGER. d. l. Pertinet huc locus notabilis PA-
 NORMITANI Lib. II. *consil. 18.* quem adjicere, e re
 visum. Concernit vero Gabellam, & hanc quæstio-
 nem: An universitas Auximienfis immunitatem vec-
 tighalium de mercibus suis, quas per territorium Racha-
 natense transportaret, solutione civium quorundam
 suorum amisisset? Non, inquit, hoc Auximienfium jus
 in eundi vehendique facultate consistit, sed in immuni-
 tate vectighalium, si quando merces suas per terram Ra-
 chanatensium transmitterent: non itaque perditur hoc
 jus sive immunitas, nisi per facta contraria, solutio-
 nes videlicet, quæ ob merces transvectas Rachanatenfi-
 bus præstite sunt. Neque, mea sententia, sufficit,
 Rachanatenfes docere, aliquos ex civibus Auximienfibus
 transcentes solvisse, quia id jus universitati Auximienfi
 competit, estque jus incorporale, eique non præscribitur,
 nisi detur certa scientia universitatis ejus, contra quam
 præscribitur: quia sola domini patientia est possessio in
 istiusmodi incorporalibus, nec aliter haberi possessio potest,
 ut probatur in L. 2. C. de servit. & aqua, piene per In-
 nocent. in cap. bone 2. de postul. pralat. & in cap. conque-
 rente X. de offic. Archidiacon. & cap. 2. de in integr. restit.
 & in multis aliis locis, per Barboz. in d. L. 1. de itin.
 act. priv. & Cyr. in L. 2. C. de servit. & aqua. Nisi er-
 go major pars populi Auximienfis probetur solvisse, non
 potest dici, inchoatam esse præscriptionem contra univer-
 sitatem, vel nisi toties, & ita palam fuisset a majori par-
 te solutio facta, ut verisimiliter scientia ejus ad universi-
 tatem ipsam, apud quam immunitas illa consistebat, per-
 venis-

venisset, ut notatur in iuribus praelegatis; alias non datur negligentia universitatis, nec possessio potest acquiri ex parte alterius &c.

XXIII.

*Cautela pro
iis, quibus
libertatis
sua integri-
tas cordi est.*

Patet vero ex dictis, svadendum esse his casibus omnibus illis, qui libertatem suam servare integram volunt, ut non temere taceant, sed de jure suo tempestive protestentur, illosque, a quibus invitis aliquid exigitur, defendant, ut eo minus & illis praëjudicium adferri possit, vel pedetentim eadem fata experiantur, memores, quod dici solet, exempla non consistere, ubi cæperunt. ROSENKORB *practic. quasi. cap. 37. n. 16.*

XXIV.

*Cautela pro
Advocato,
possidere
quem ab u-
niversitate
probatur.*

Elucescit exinde porro, quorsum respicere debeat Advocatus, si adversus universitatem ex ejusmodi actibus possessionem acquisitam asserere velit, ita, ut non opus sit, hic esse prolixum, praësertim cum brevitati studendum. Inprimis vero videat & curet, ne scientiam, patientiam ac paritionem subditorum & universitatis in articulando omittat, si mandatum expressum nequeat probare; utque etiam, actus nomine & intuitu universitatis totius contigisse, exprimat. CARPZ.

*Hand negli-
gendum est
illorum te-
stimonium,
qui in folle
decerni, om.*

Lit. I. Rc/p. 66. Quo etiam loco addere placet quasi-
tum: utrum contra universos possessio acquisita cen-
seatur, si testes in folle dixerint, omnes subditos,
nullo casuum discrimine, liberos exhibuisse ad famu-
liti

litium, solvisse laudemium, vel in definite dicant, *si* ^{omnes de u-}
haben die Unterthanen sehen fröhnen, sie wären ^{niversitate}
auf gewöhnliche Ansage, Erfordern, kommen, und ^{quod fecisse}
hätten die streitigen Dienste geleistet. x. quales de ^{praesertim}
positiones allegat ERHARDVS *de operib. rustic. concl.* ^{si addant,}
15. pag. 297. Quod nonnulli negant, existimantes, ^{neminem se}
generalem & incertam testium depositionem minus suf- ^{posse, qui}
ficere; actus vero possessorios, quibus possessio con- ^{idem non}
stituitur, spaciatiim exprimi oportere. Sed postquam ^{fecerit.}
universalis locutio, & quæ illi æquipollet, indefinita,
pro incerta haberi nequit, atque ille, qui omne dicit,
nihil excludit. L. 68. pr. de Legat. III. L. 29. de hered. in-
stit. actus etiam possessorii satis certi possunt esse, li-
 cet ab omnibus in universitate profecti dicantur, non
 video, cur ex ejusmodi depositione possessio adversus
 totam universitatem probari nequeat, & maxime tūm,
 si testis addat, *Er könne sich auf keinen besinnen,*
der es nicht gethan: Ex qua ratione etiam DD. per
 illos testes probari possessionem universitatis, volunt,
 qui dicunt, se vidisse communitatem percepisse fru-
 ctus, vel possedisse. HONDED. Vol. I. Part. consult.
 17. n. 15. & 75. Interim illi, adversos quem talis pro-
 batio suscepta est, svadendum, ut vel in interrogato-
 riis, vel in probatione, quam ipse suscipit, contraria
 testes curet interrogari: *Ob sie gesehen und wissen,*
daß auch Titius und Sempronius dergleichen gethan
habe? ob nicht vielmehr diese sich dessen entbrochen?
 &c. Quo facto saepe eveniet, ut veritas eo felicius
 detegatur.

*Ad perhibendum ad-
versus uni-
versitatem
testimoni-
um ipsa ejus-
dem mem-
bra cogi
non possunt,
nisi veritas
aliter habe-
ri nequeat.*

Ceterum, utrum ex ipsa universitate testes produci possint contra istam, si quæras, respondeo, posse quidem, si vellent, testimonium perhibere. FARINAC. *quæst. 60. n. 489. CARPZOV. Lib. III. Resp. 93. n. 7.* Alia quæstio est, utrum cogi possint? Qua parte repetendam existimo distinctionem supra thes. XVII. allatam. Quocunque enim casu testes ex universitate pro universitate admitti non possunt, eo casu nec etiam possunt cogi, cum adversus se ipsum testimonium perhibere nemo compellendus sit *L. 10. §. 4. de questionib. L. 7. C. de testib. CARPZOV. in Proc. tit. 14. art. 4. n. 27. BERLICH. II. c. 45. n. 23.* Quod vero ad alteram casum, quo scilicet ideo admittuntur pro universitate, quoniam interesse proximum ex ista re non sentiunt, attinet, nec eo casu cogi posse, existimo, quoniam affectione tenentur erga universitatem totam, cui si bene est, singulis etiam per consequentiam utilitas quædam contingit FARINAC. *de testib. quæst. 60. n. 489.* Secundum quam sententiam in summo Senatu Saxonico judicatum esse refert CARPZOV. *Lib. III. Resp. 93.* excipiens tamen casum, ubi veritas aliter haberi nequit. Quo loco obiter notandum, uni testi non credi, qui affirmat, se nomine & mandato universitatis aliquid fecisse, ex quo alteri possessio acquisita, nisi de mandato certo constet: quoniam enim hic testis, si absque mandato quid fecit, universitati ad id, quod interest, tenetur, in causa quasi propria deponit, sicque nullam fidem meretur. BENINTEND. *Decis. 70.*

*Ob quam
causam non
credatur uni-
versitas testi,
se nomine
& mandato
universita-
tis quid fe-
cisse, ex quo
possessio in
alium trans-
lata, asse-
runtur?*

XXVI.

Restat, ut solliciti simus de eo casu, quando per alios possidet universitas, puta per administratores, procuratores, actores, servos, colonos & inquilinos: quo quidem eodem modo possessio amittitur, & alii acquiritur, si in persona illorum aliquid contingat, quod, si in nostra contigisset, possessionem adimeret. Itaque si illi, qui nomine universitatis possident, vi dejecti sunt, & ipsa universitas de possessione dejecta videtur, eosdem dejectos, per quos possidebat. *L. 1. §. 22. π. de vi & vi armata.* Atque adeo dejicienti possessio est acquisita. Idem est, si ejusmodi homines aliis sponte possessionem tradiderint, id est, plane & aperte transtulerint (non autem si detentionem retineant. *L. 32. §. 1. π. de A. A. P.*) *L. 33. §. 4. π. de usucap. L. 44. §. pen. de A. A. P. L. 3. §. 9. π. eod.* juxta vulgarem lectionem: *si alia tradiderint*, quæ præferenda videtur Florentinæ habenti *tradiderim.* DONELLVS *L. V. c. 11.* Quibus casibus animus retinendæ possessionis, ob alterius invasionem & insistentiam, desinit. Namque animo possidere non est quodcunque animo complexus aut imaginatus fueris, possidere. Si hoc enim esset, quid quis non possideret? Sed animo possidere, est id possidere animo nostro sive affectione, cui possidendo nihil impedimento est. Vid. *L. 25. §. 1. ff. d. A. A. P.* CVJACIUS *ad. L. 44. π. de A. A. P.* Atque hinc dicunt DD. communitati præjudicari quoad passivam possessionem vel quasi per ipsius priores & officiales, quibus regitur, si scilicet per illos possideat vel quasi. BURATVS *Decis. 691. n. 8.* POSTIVS *de manuten. obs.*

36. n. 20. Et fortius, si eorum gesta tacite per communitatem approbarentur & ratificarentur. BVRA-TVS *d. h. decis. 691. n. 9.*

XXVII.

Uti vèro inter veteres conveniebat facile eo casu, si fortasse colonus, vel similis persona, decesserat; non amittere dominum possessionem, ejus rei quam alieno corpore detinuerat. *L. 40. §. 1. π. de A. A. P.* ita ea de re contentio erat, numne dominus, si colonus e fundo sponte sua, non expulsus, animo de relinquendæ possessionis, discedit, possessionem amittat, quam nondum alius est ingressus, vel quam ipse nondum neglexit? PROCULUS hoc negabat, quæ illius sententia superest *in L. 31. π. de dol. mal.* SABINUS autem existimabat, Dominum amittere possessionem, cujus sententia ex *L. 31. π. A. A. P.* quæ ex libris Pomponii ad Sabinum desumpta est, item ex *L. 40. §. 1. cod.* quæ est Africani discipuli Juliani, qui Sabinianus fuit, cognosci potest. CUJACIUS *ad dd. LL.* Sed JUSTINIANUS *in L. ult. C. cod.* quæ est una ex *L. decisio-*nibus, sustulit illam controversiam, & Proculi partibus accedens definivit, ut si servus, si procurator, vel colonus, vel inquilinus, vel quisquam alius, per quem licentia est nobis possidere, corporaliter nactam possessionem cujuscunque rei dereliquerit, vel alii prodiderit, desidia forte vel dolo, ut locus aperiat, alii eandem possessionem detinere, nihil penitus Domino præjudicii geneneretur, ne ex aliena malignitate damnum emergat. Quamdiu ergo nemo occupavit

*Antiqua
contentio
inter Pro-
culum & Sa-
binum quo-
modo a Ju-
stiniano fu-
erit decisa?*

pavit possessionem, animo retinet dominus, & si turbatur, interdictis retinendæ possessionis uti. Quod si autem possessio ab alio occupata sit, nec facultas domino superest rei suæ insistendi, utique amissam esse possessionem, ex dictis apparet. Ad hunc enim casum, uti & ad illum, si a colono, vel simili persona possessio in alium translata, Legem hanc finalem non pertinere, & verba ejus & ratio indicat. Atque adeo frustraneus illorum est conatus, qui ex hac lege remedium aliquod retinendæ possessionis domino amittenti possessionem facto & culpa servi, coloni, vel alterius cujusvis similis personæ, per quam possidet, dari existimant: quos recenset MENOCH: *remedio recuper. poss. 12. n. 1. seqq.* Facilius vero isti tolerari possent Pragmatici, qui, ex hac lege posse amissam recuperari, tradunt, sicque, præter remedia alia recuperandæ possessionis, novum aliquod fingunt. MENOCH. *d. l. num. 9. & qui ibidem citantur*, quod tamen textum penitius inspicere vix ac ne vix quidem ex eo eruere poterit. Quæ omnia uberius ostendit FABER *de errorib. Pragmaticor. Dec. II. error. 2.* Quamvis ab illa sententia MENOCHII *n. 9. d. l.* relata, quam Pragmatici communiter probant, BRUNNEMANN. *ad d. l. fin.* in foro non temere recedendum esse, existimem. *Conf. CUJACIUS ad d. l. fin. DONELLUS d. l.* Hæc vero quæ dicta sunt ad universitatem quoque applicari posse, nullum dubium est. De cetero supra dictum est thesi XIX. universitatem possessionem non amittere absque voluntate & animo. Paucis id hic monendum, nec etiam id fieri absque corpore.

L. 8. π. de A. A. P. quamvis interdum solo corpore fieri dicatur, cum præter intentionem facultas rei corporaliter insistendi adempta est, vel ab hoste aut iudice. *L. 30. §. 2. π. eod.* vel si per violentam dejectionem *L. 13. π. eod. aut per furtum, d. L. 15. Sc.* LAUTERB. *b. t.* ita ut sic ex necessitate animus possidendi deponendus veniat. Quidnam vero juris sit, si tale quod intuitu singularium de universitate contigerit, ex antea dictis facile poterit constare. Mihi latius exsequi ista non licet. Te vero, benevole Lector, ut ea, quæ, pro ratione instituti, de possessione universitatis in charitatem coneci, meliorem in partem interpreteris, & pleniorum hujus materiæ hactenus non vulgaris tractationem ab aliis expectes, maximopere rogo atque obtestor. Interim DEO sit gloria, & cum eodem

F I N I S.

COROLLARIA:

I.

Universitatem non constituunt illi, quos vocamus *Hüssnere*, *Lößäthen*, licet colectivo nomine indicentur: adeoque nec hujus intuitu restitutionis in integrum beneficio gaudent.

II.

II.

Universitas in causis judicialibus opus habet Syndico, licet eadem parva sit, & pars adversa id non urgeat.

III.

Universitas morte plerorumque non finitur.

IV.

Clausula Syndicatibus ut vocantur inferi consveta: vor unsere Nachkommen, necessaria non est.

V.

Aliter se res habet cum renunciatione beneficii divisionis, quæ omnino, quoties universitas actoris loco est, in Syndicatu requiritur.

VI.

Defectus tamen illius clausulæ, post litis contestationem, a parte adversa cum effectu allegari nequit.

VII.

VII.

Ex contractu universitatis singuli, quatales, non tenentur.

VIII.

Universitatis Syndici in solidum constituti in dubio non censentur, & maxime in Electoratu Saxonico, ubi nec ex tutoribus vel curatoribus pluribus unus in solidum agere & respondere potest.



